

四庫全書

集部

欽定四庫全書

集部

宋百家詩存卷十七

詳校官監察御史_臣孫家賢

主事銜_臣徐以坤覆勘

總校官庶吉士_臣倉聖脈

校對官中書_臣葉蘭

謄錄監生_臣劉達

欽定四庫全書

宋百家詩存卷十七

嘉善曹庭棟編

雪溪集

王銍字性之汝陰人昭素之後也博學有才識常同
子正薦於朝視秩史官給札奏御時秦檜柄國忤其
意遂遭擯斥嘗居廬山結詩社後避地剡溪山中日
以觴詠自娛著有默記國老談苑侍兒小名錄及雪

溪集子明清亦有聲於時

巫山高

十二危峯隱寒霧旁連三巴下三楚斷崖青黃聳天壁
秀色蒼茫接天路鼓瑟玉京嬉帝傍下鎮九淵稱帝女
冥心可見類相求夢裏襄王拜神遇鏘然玉佩似可期
倏爾霓旌去無所天風浩蕩吹太清萬里憑虛送飛步
行雲行雨終不來歲月人間幾朝暮那知一戲疑萬古
至今不知高唐處仙兮神兮非與是流傳只有蘭臺賦

山藏虎兇爭怒號峽東江水翻波濤舟楫寄命輕鴻毛
猶起羨慕成譏嘲行人所見日卑淺仰首彌覺巫山高

折楊柳

手拗楊柳贈行人情條恨葉江南春朦朧疎煙溼芳草
搖蕩微風生白蘋長亭短亭銷離魂古情不盡今情新
一聲驪歌幾聲哭行人去後春江綠歌哭相雜江水頭
相看不發情何屬江河到海有窮日輪蹄行路無已時
路傍楊柳折已盡東風再換明年枝

舟中夜雪讀正卿教授詩輒賦鄙句為別

百年半羈棲輕與故山別回首千萬峯飛夢不可越弭
櫂濠上亭非鄉愴時節朝號迴野風夜聽孤舟雪溼薪
無煖焰燭淚共明滅癡坐增灑然何以慰清絕斯時咏
君詩心抱益澄澈未見觀魚莊先得御風列荆玉出此
邦誰獻復誰則山川漫奇麗文物久銷歇君詞吐白虹
神寶疑不沒我欲賡餘思景行好句拙如違句漏令未
得丹砂訣萬里煙雲開揚舲及明發荆山自茲遠雲濤

渺天末兩地見梅花相思不同折

寄題真州局岫寺

一峯秀色何高寒更於木杪橫飛欄荆吳形勝妙天下
間鋪雲錦光爛斑山從千古混沌始江自萬里岷峩還
江山無際真賞遠人境未如心境寬乃知萬象自變滅
我與天地俱清閑時來登覽健意氣興落煙靄空濛間
宛如列岫在局鐳何待謝守窗中看仙壺日月悟世換
蟻穴富貴霸夢殘易中求象山有天須彌納芥曾何艱

乾坤橐籥一氣內鉅細兩不離區寰徑呼飛仙來取醉
笙簫髣髴鏘佩環已鞭鸞鳳到三境何待虎豹號九關
只今朱甍半落日誰繫畫舸臨蒼灣何當脫身戎馬際
共弇妙旨相追攀懷哉欲往波浪濶回首江南江北山

妾薄命

寒閨有靜女十載念遠征命擬絳綃薄身同朝露輕存
心合懽綺待得機杼成從來君獨賞詎可賣都城憑夢
欲寄遠舊路春草生獨夜理瑤瑟淚燭剪不明待誰相

應節要自不勝情會有不眠者聽此斷腸聲

古意

茅簷祕秀色從古歎不遭遊子去未返徒使寸心勞朝
歎江海深夜視星斗高歸期約春風今已木葉凋一日
兩回來看取門前潮

送王道元運判致政歸潛院

好山如幽人深絕常避地潛峯獨呈露孤立信奇最高
擁一寒峯縹緲亂雲氣萬古招行人誰與賞心會我公

寒仙才崑閬失品次挽公青霞襟來作繡衣使終尋汗
漫遊高舉九霄外行色開畫圖秋容捲新霽造化為我
娛神超物無累我窮知音稀與世久無味落葉掃不禁
歲月水東逝愁作送公詩出門更何語贈言詞亦貧無
以報高誼野宿慎衣裘寒霜方夜墜

繫舟餘杭門訪西湖金輪寺參上人

北郭望西湖微徑幾尋尺澹與人意長雲寒正無色深
尋幽禪居步轉蒼山側落葉不可紀遮盡山下石師方

無定居我亦何所適四海萍無歸老矣山中客百年熟
機緣還此共禪寂語罷今古分座上有陳迹一笑視此
生何事非戲劇開門納遙峯暮雨一江白茲游非世逢
歸路晚蕭瑟積陰迷曉昏鐘聲報將夕

明覺山中始見梅花戲呈妙明老

急晷馳輪歲將歇我更荒村轉冰轍嚴凝萬物凍無姿
水墨陂塘葭葦折是誰肯向此閒來破萼梅花伴幽絕
遙山堆恨天作愁淡畫眉峯半明滅清香自滿不因風

玉色素高非闕雪竹籬凝睇一淒涼沙水澄鮮兩明潔
天仙謫自廣寒宮定與桂娥新作別尚憐孀獨各相望
多情與照黃昏月從來耐冷月中人一任北風吹石裂
漫勞粉鏡學妝遲欲寫冰膚畫工拙千古無人識歲寒
獨有廣平心似鐵我因花意拂埃塵尚恐人傳向城闕
詩成火暖夜堂深擁爐細與山僧說

次韻率行之見投因以賦別

素空零玉露碧梧墮金井流年不待人去我如斷綆歸

翼懶飛翔老驥倦馳騁山空風月滿人戀松桂影窮方
屢厄陳喜動初入郢文豪獲勝遊竊思發深省周原富
千箱漢儀重九鼎王謝樂江海巢由本箕顓談深光明
藏遊遍妙峯頂頌橘悲屈平賦梅思宋璟炎涼梁上驚
喜怒坎中黽千年六龍轡萬事一魚艇居人望歸騎暝
色暗前嶺淺學字識丁美穴魚知丙書隨新鴈來行慰
心炯炯

送韓簡伯學官於臨浦勸其重修西子祠

昔游臨浦春正濃小江蒙委如無窮花浮千林錦繡帷
丹颺萬頃玻璃風西施故鄉擅佳麗會稽秀氣藏華濃
是時山晴見真色落日西南千萬峯今情不盡古情在
恨疊晚妝眉暈重恨應但知傾國貌無人能說亡吳功
儻非絕態蕩君意姑蘇臺下猶歌鐘成功未甘歸范蠡
素衣故國寧相從

韓嘗作文辨無
范蠡攜西子事

文公之孫重瑞世哀

繡門戶推八龍官閑援毫來弔古溪山頓為開愁容謫
仙亦賦沆紗石至今翠綃不停織浴池邀伴下瑤池霑

汚越女天下白

山頂有西子浴池

風流昭洗待名流有德於人

當血食紅心草
莖舊金釵黃陵廟成新
石刻霞裾瓊佩
無消息怨魄
淒冤招不得
一杯流水暮江蘼
荳羅山前已秋色

黃州棲霞樓蘇翰林所賦小舟橫截春江是也
曾法父罷郡畫為圖求詩

銅雀不得鏤二喬
春江亦夢攜西子
此樓縹緲相風流
此恨纏綿在雲水
洞庭葉下想相君
不獨陽臺雲雨神

精誠感通若相遇夢境幻境皆成真黃州刺史清如鏡
水光山色心同瑩收之出守到元之誰解把詩聞萬乘
圖成攜得千里行孤帆越落斜陽城江頭暮指挽鄧處
離合古今同一情

登育王山示現塔贈卿璉與三上人

危岫戴寶塔亭亭起虛空金鐸韻廣樂日夜鏘天風氣
真逼雲漢興逸追鸞鴻嘉有三禪子超曠棲禪宮相追
不憚遠幽致惟我同興盡歸一默人逐歸雲東平軒架

絕壑上與絕頂通
滄溟忽破碎
百川競朝宗
斜陽無遠近
山亂高低紅
四表倏明晦
變化安可窮
夜深風雨來
陰氣誇驕雄
響劇百谷咽
靜若一氣融
明發石路清
韻生寒松

送王敷素歸金陵

曉踏河隄月
逢人問去舟
已為羈旅客
更挽別離愁
索莫憐同姓
丁寧數舊遊
欲知幽獨意
風露滿城秋

洪駒父將過潁同張仲宗出錢賦別

已作分攜計尤傷送客歸經行汝南郡為問漢陰機晚
菊饒秋色丹楓帶恨飛平生無別淚相對倍霑衣

別高子勉兄弟

南北奔馳歲月催足閒渾似跣塵埃休將舊事從頭說
且喜新年入手來千里遠同傳信鴈一枝獨插未開梅
濁醪有盡情無盡醉入都門首重回

別張自彊

燕子低飛入壞簷柳條輕拂綠毵毵故園更在北山北

佳節可憐三月三萬古愁多憑濁酒九京事往落清談
都門別恨終難寫滿眼風光思不堪

和趙德麟

故國春濃嬾縱觀強尋幽徑步蹢躅風酣蕙草清香暖
煙溼杏花紅粉寒但覺時光自催換可憐人事幾悲酸
百年未必長於夢虛作邯鄲枕上看

夢中賦秋望

閣小寒宜遠林荒晚帶風遙山秋色外獨樹雨聲中起

念三生異傷心萬境同此邦非我里隨意作流通

送楊道士歸葵州

列子風回馭林宗雨墊巾花明千嶂曉雲暖一山春
壚竈聊隨俗簪裾未稱貧壺公觀中路聞道接天津

用前韻寄洪駒父

共臨寒水別獨趣暮城歸萬事風前燭百年梭過機
應尋騎鶴客重詠落霞飛才業終何補京塵化舊衣

江山霜落木千里一身歸去國憐張翰回舟羨陸機
煙

林無際遠寒葉有聲飛何必少陵老悲傷未拂衣

徐師川典祀廬山延真觀用送駒父韻餞別

康阜如蓬島欲尋風雨歸煙蘿猿嘯月雲碓水鳴機
結餐霞侶深隨杖錫飛謝公行樂處山翠撲人衣

送酒與許田史純風

塵土裝懷歲月侵賤官情味我能任龍鍾老態渾非昨
索莫英遊不可尋蝶遶書窗空費夢蟻浮玉笋不同斟
相望解寄重陽酒滿路西風黃葉深

送李文若歸修水並弔其兄商老之亡

子去何悽斷鄉關歲月深荒山寒帶雨古驛夜無人生
死風前燭音容夢裏身臨分感平昔揮淚到松筠

秋晚洛中道上

數鴈橫空送斷霞窮秋遊子向天涯泉甘野店黃梁酒
霜重荒原白菊花滿目劫灰傷故邑回頭佳氣戀京華
故人他日如尋我試問雲溪舊釣沙

遊鴻福寺和關子東

劉家古寺城西曲選得僧坊共醉吟
野草幽花閑自媚
黃蜂白蝶靜相尋
半簷落日留難住
滿地東風掃不禁
漫道青春一分在池邊綠樹已成陰

幽居

幽居寂無事晨起伴僧禪
曉澹巖前月秋明水底天
望鄉書斷鴈問路客回船
阻絕平生友清游有夢傳

芭蕉

六曲闌干院宇深
影連苔色晝沈沈
已將虛實論因果

尤稱風流寫醉吟夢短不禁簾外雨愁多常怯檻邊陰
可憐今古無窮恨盡在彫零一寸心

別張孝先

平生嘗歎少陵詩豈謂殘生盡見之共脫兵戈身偶在
各懷鄉國語尤悲又尋芳草春風路猶聽孤舟夜雨時
避地海山周萬里此行無處寄相思

訪關子開兄弟於餘杭懷先世舊契

山嵇交契自當年重到桐鄉各愴然
百里山川清自舊

兩家子弟老於前疎梅開處數枝玉小雨來時一段煙
歲晚不期相會數溪頭尚有未歸船

憶故友可師

昔訪廬山惠遠家尋春草木未萌芽自從柳折煙中色
不寄梅間雪後花事往淚多添海水詩來恨滿聚河沙
驚回三十年前夢故鶴峯頭日未斜

秀遠亭

鏡似冰壺表裏清我來閑伴白雲行四山迤邐青圍野

一水蜿蜒綠繞城試問春來觀秀色何如雨後聽泉聲
昔人飛馭煙霞外落日空含萬古情

送呂道師還天台

結宇孤峯蘚徑危身閑鷗鳥信忘機水聲山色何今古
物態人情果是非子踏白雲來問道我垂黃髮自生輝
赤城歸去松門晚萬里秋容上客衣

送孫肖之還縉雲

蓬蒿頻歲掩柴關再喜相逢一破顏遊子年華紅葉老

幽人風味白雲間
那知篋裏書成後
猶作溪邊興盡還
流落天涯俱避地
念君更入萬重山

與郭壽翁俱客錢塘
壽翁歸吉州追餞至龍山
白塔寺惜別悵然既行
旬日子得請廬山太
平觀將歸隱浙東寄詩奉懷

江邊孤寺舊曾經
重枉驪駒當短亭
落日催人心去住
東風回首淚飄零
竟歸但覺楓林黑
書就終期汗簡青
予作名臣傳數
篇壽翁最稱愛
歸隱我無衝斗氣
相思時望少微星

古意

有恨匆匆別無期
緩緩歸天涯作孤客
樓上對斜暉目
斷路不斷
冤飛花更飛無多
清滴淚恐損別時衣

寒食

故國千峯外孤舟一水濱
天涯未歸客江上欲殘春
鴈去銷魂久花開墮淚頻
東風吹晚雨芳草路邊人

病中

久知身是幻況復病相侵
古寺松篁瘦山空雨雪深

知書不達豈有容相尋伴我殘燈火應知夜夜心

春近

山雪銀屏曉溪梅玉鏡春東風露消息萬物有精神索
莫貧遊世龍鍾老迫身欲浮滄海去風浪闊無津

禹廟

書稱堯舜後禹獨錫成功須信賓天去何疑寔石空市
聲朝夕變山色古今同誰與明真理蒼崖松栢風

夏后東階殞遺蹤照路隅今觀四山拱猶是百神趨功

已百王冠言尤萬世謨死生懷舜德舊邑對姚虞

十二月中旬書戴溪亭

天上東風轉斗星天涯霸客尚飄萍道塗沉復經殘歲
風雪那堪宿旅亭春到怯添雙鬢白夜寒愁對一燈青
殘年萬古淒涼恨不計樽前一醉醒

歲杪道中

巖風號萬木天意自悲傷野店逢殘歲危峯半夕陽吾
生猶道路此恨付杯觴正是淒涼極寒梅逗晚香

送黃生還臨安

舊事恍如前後身
龍門四紀更情親
茅廬驚歎見斯客
天馬超騰感是人
三徑草荒殘歲雨
一枝梅作渡江春
莫言吳越方成別
纔隔雲濤莫問津

舟行扶病訪王文孺臞庵且蒙和賜次韻為別

西風過雨冷孤雲
客路衰骸與病親
煙渚好橫今夜艇

雲林還憶舊時人
凌空丹藥傳巖客

近有遊客蓋呂公也遺文孺長句及

神照水紅蓮賦
洛神老淚數行傷
別盡自憐無可更
霑

巾

九月二十七日與客遊龍山

野服芒屨步步同天寒酒薄客情濃身如萍水同千里
路入煙蘿更幾重滄海清江共今古黃花紅葉雜秋冬
暝雲自與千峯合送我歸鞍寺寺鐘

送無相祖老真骨歸塔

去來一念等孤雲隻履西歸道更尊落葉滿山新塔就
雨花盈几故經存風流罷放林閒鶴月冷空啼嶺上猿

白髮未為生死別寒溪猶繞舊松門

雜興效阮步兵

松巔負殘雪高映寒日暉衝風忽飄墜勢若從天飛
庭虛四散入零亂侵人衣衣重不忍拂恐與清景違
援琴弄太古聲澹節亦稀衆笑已獨賞恍然迷是非
乃知絕絃意千載同依依

賦得隔樹見秋燈

隔樹見秋燈青熒更可愛半籠宜葉疎微透嫌枝礙
深

金八八八
卷十七
誤暗蟲投靜窺棲羽在望疑簾幕中吟惜闌干外月到
冷光幽風來孤影碎山客遙夜歸耿耿如相待

和明上人見贈

西湖梅蘂暗香浮錫杖凌空過沃洲後會重尋人更老
顏光不駐水爭流夕陽天際青山出暝色煙中白鳥留
此境只曾支遁賞剡溪今始得湯休

又和明上人見贈

六見月華虧又盈卻來松下笑相迎事銷臘雪渾非舊

人似寒梅獨有情
香火舊緣生理足
煙霞新志著書成
明朝又向千峯去
猶恐時人識姓名

寄陳彥山

送君憶昔上鰲山
愁折江梅踏雪還
別後重添十年老
靜中猶借半生閑
文章千古心宜在
書史三冬手自刪
歲晚山中有琪樹
傷心何日得同攀

中秋山間觀月

月出雲開天宇閒
幽居真賞異塵寰
冰輪孤挂夜千丈

玉露密零秋一山莫望鄉關起愁色勝居沙漠慘離顏
桂娥應恨無佳句不識幽人到老閑

雨後登雙溪閣

夢寐登臨處漂流來此行長年為客意落日倚欄情雨
過水光發風生雲態輕山川沈郎舊嶢絕有餘青

剡溪久寓

山水戴逵邑尚餘清興中千巖落花雨一徑卷松風酒
茗延幽子圖書伴老翁長生吾不羨久悟去來同

送史純天出疆

悠悠遠水李膺舟漠漠餘寒季子裘
隔歲梅花新舊恨
入春山色古今愁
重遊梁宋三千里
看復關河四百州
辨舌縱橫報知己
古人憑軾取封侯

秋日

半落庭前葉始知
秋意新風嚴柳疎
細霜落水清勻勻
裏存佳景詩中見
古人一峯矜絕態
雲外掩孤顰

小立

茅屋藤蘿外憑欄煙靄間
亂蟬催暑去急雨帶秋還
路入雙溪口門當四面山
詩成題未有翰墨伴清閑

將卜山居

山居香火伴殘經幽絕
全家在畫屏黃葉邨藏一
溪碧白雲堆擁萬峯青
安知遇酒分賢聖但可與
人同醉醒萬事休心因白
髮更須結託老人星

除日得銅溪老人書

除日相思輒寄詩流光不
特我哀遲歲窮滄海波濤
急

天冷空山鳥獸悲
一氣先觀雲暖處
百花猶避歲寒枝
迎年送臘須臾夢
正是須彌不動時

病中

遙夜支頤坐
春醪負十分
碧天沈宿靄
清月入微雲
真妄怯多病
翔潛喜不聞
鞦韆人樂處
十載愴離羣

寄東山覺老

紅泉碧嶂舊登臨
未演真常契佛心
漫道山林無獨往
那知笙磬有同音
堂前明月四時好
山外白雲千古深

此別松門無復見漁樵為伴老相侵

陸左丞夫人鄭氏挽詞

家學開皇紀淑聲通德門內朝班蚤貴中壺譽尤尊聞
說百年事扶攜兩世孫從夫得文伯萬古姓名存
軒冕三從盛門庭五福優淒涼孝子淚悲慟故山秋楊
子新阡啓班昭舊史留空堂對諷草無復更忘憂

詠半開梅

一枝開破一年春鬧藥桐花總後塵卻恨無媒憐獨夜

月偷清影向何人

咏墨君雜題

藏巖

小年輕別廬山道林下微吟夜更幽影落人行半巖月
五更風露一山秋

霜節

春花秋葉不同時高節偏於墨色宜莫遣世間丹綠筆
等閑俗卻歲寒枝

雲梢

第五橋邊一徑遙
滿林野竹立江郊
鴛鴦浮破水涵影
翡翠壓斜風舞梢

憶昔

匡廬古寺暗松藤
曾宿寒巖最上層
火煖爐溫四山靜
前溪風雪後窗燈

春郊

碧飛紅斷正傷春
萬里天涯一病身
芳草路長樓百尺

樓中更有凭欄人

曉發石半

匆匆車馬出清晨日澹風微已仲春
松竹陰中山未盡
梅花林外有行人

山中夜聞風雨

空山清夜寒無寐松檜搖聲風雨高
行盡江河忘巖壑
猶疑繞屋盡波濤

芳草

會時曾憶梅籠雪別後常懷月照沙到底多情是芳草
長隨離恨遍天涯

杏花

醉裏餘香夢裏雲又隨風雨去紛紛人間春色都多少
莫埽殘英枉斷寬

山中蚤秋

蒼茫山口月西沈瀟灑新秋院落深雨滴梧桐河漢澹
夢中猶記少年心

寄南巖悟禪師

雪後千峯玉刻成，瓊瑤寒照寺樓明。
遙知禪老開窗坐，指點煙邨看晚晴。

送郭上人遊九巖

殘菊孤花留暮秋，勞師問路亂山頭。
九巖只望孤雲去，舒卷和雲得自由。

寄和邢子肩始春見寄

山林老去萬緣休，只有情鍾舊輩流。
芳草無窮山四向，

金匱山房詩集 卷十七
斷腸人在最高樓

上方

松閒清月佛前燈
庵在孤峯更上層
犬吠一聲秋意盡
敲門時有夜歸僧

明覺寺折梅

遙山天際斂眉峯
清淺溪邊澹粉容
薄暮寺橋人獨立
一燈明滅數聲鐘

夜晴

雨脚初收天意晴
西風搖落夜寒清
披衣自起開窗戶
落月一山高下明

古漁父詞

千古高人張志和
浮家泛宅老煙波
不應別有神仙境
祇此滄江一釣蓑

風裊溪頭釣線多
戲魚無奈巧依荷
直須飄盡浮萍草
盡放青天照碧波

題會稽東山僧壁

山晴山雨古今恨
潮落潮生朝暮情
我識前人舊時意
寒巖一夜聽江聲

網山月魚集

林亦之字學可福清人自號網山山人月魚氏從學
父軒林光朝之門初父軒講學於蒲之紅泉學者常
數百人稱高弟必曰網山父軒卒網山繼其席從遊
之衆無異父軒也淳熙十二年卒年五十子名簡字
伯綺客死其後遂絕網山月魚集三卷肅翁林希逆

為序云月魚據槁梧吟空山生無一事如其意年才
五十死死未五十年而子孫緝盜不守松楸且幾禿
噫文士之窮周乎身前後如月魚者亦可悲矣

和李監倉謬欲遊龍卧山以海風大作不果

枉蒙龍卧篇如睹藤蘿境十年招隱士欲到此山頂坐
石誦離騷菊水弄清影無人同荷鋤長愧林下景昨者
逢李侯一笑便歡領為言有明月公事且暫屏騎驢學
賈島捫蝨喚王猛雙鑣雲外來斜帽不須整夜投招提

宿聽雨寒更永論文到昌黎說詩笑匡鼎悶人數日風
何時發深省

丁亥九月十六夜偕李監倉宿龍卧山中聽雨
看月同時事也所謂魚與熊掌兼得之賦此

以紀其事

相喚此山來狂風吹我衣把酒桂花下山雲片段飛掩
門雨初滴開門月旋上倚樹看月明半山聞雨響人間
有佳景詩句頗發越何曾似今夕聽雨還看月

九月晦日登烽火山

興來走上烽火山著足不定秋風寒四邊黃茅滑如雨
低頭一看毛髮豎幾年要到紫菜鄉大練小練并東牆
如今一時在眼傍白雲浮水天茫茫酒闌更欲弔虎屋
無端日脚相催促一雙雕結一跛足逐我下山如野鹿
秋夜同章三十九弟次邵宿延慶山中

芭蕉月上照窗扉屋裏老僧眠不知起來樹根飲一盞
舉頭忽是三更時藤蘿一處一處好我亦持杯隨處坐

山雞忽叫野鐘鳴滿地西風愁殺我

邑大夫范文處義寵示廣陵餘事泠狀誦之歷
歷慘惻為在目中輒賦短篇紀所聞也

嘗聞淮南圖蕭蕭草屋少人居及讀廣陵集惻惻我心
欲垂泣吁嗟戀鄉國生死不肯去邊茹才一動殺戮先
此土可憐此土人父子無白頭不死於飢即死戰性命
只在道旁溝更聞維揚有鬼市銅錢須臾變為紙都緣
白日殺人多所以冤冤有如是君侯壯思凌雲空青衫

匹馬戎幕中當時轅門眼所見長歌短歌淚如綫少陵
嶮崎夔峽路一切悲愁托詩句至今太史不足憑惟有
此詩為可據紹興辛巳淮楚功紛紛予奪或異同他年
石渠訪遺事為說東陽有蔚宗

范宰登瑞峯塔續蒙寵寄古篇輒次來韻

平明眺遠目蒼波吐紅暎已瞻大鼇岡復矚鸛鵲門宿
醒雖已解衫襟猶酒痕憑陵不可羈往往天欲捫卻憶
去年時舟役勞朝昏幼婦帶桎梏嚼飯不敢吞今年復

此役溪山恣討論為有陶元亮心胸如阜坤

范宰同鄭簿公敏應尉振送戰船至海上招野

人同遊賦得可月湖一篇

可月湖邊送戰舸長嘯便欲凌清波好風吹帆如去馬
鼠曹若可雙手把青天無雲水初漲一山兩山浮水上
平生膽意少羈束叩舷長歌心益壯生平誦書口啾啾
何似一日觀滄流龐眉太史足重繭盡驅百怪歸筆頭
羣公楚楚皆人物我亦自忘布衣拙恢諧莫續濟川君

可無一詩記年月

草堂同爨呈稚春

雲錦堂前化作堆
尋幽養靜屬我儕
高高下下黃柑樹
曲曲斜斜碧草堆
數點遠山如越縣
一條寒水似秦淮
龐公父子能畱客
我亦三年忘客懷

奉酬監倉李丈金橘銀魚之什

為有風流賀季真
道齋從此往來頻
錦囊牙軸詩千卷
金橘銀魚酒一巡
見我每呼蓮社客
看君還是竹林人

有時夜話寒更盡明日相逢語又新

九日宿龍卧山明日值雨坐超上人房

野興更周遭應遲問大刀山房逢雨好人意與秋高多
謝烹鮮乳還令厭濁醪重來須累少款款聽蕭騷

歲晚山樓書懷

儺鼓逢逢起江邊歲又除哦詩猶古木高枕尚僧居脚
垢時忘洗頭逢月嬾梳自應塵事少非我故耽書

江上

敗絮滄江上柴門落日中論文誰與共覓句自須工壯
思同秋葉搔頭似老翁崎嶇邨浦路那敢說豪雄

陪范明府與諸同官飲新亭是夕以完爾勝之
因賦此詩

把燭新亭下迂踈聊爾歌酒緣人品勝官要野情多燕
豆容俱好漁竿人亦過誰知武城笑深自惜蹉跎

瑞峯院夜話奉酬鄭簿

百級上層巒呼鐙同所歡寶杯真有道行李似無官妙

語勝熊掌疎才愧鵑冠古人相見意不作酒肴看

奉送范宰秩滿還東陽

語違今幾日猶更上層巒情自緣君子我非送長官衝
寒去程遠惜別賦詩難政拙能遺愛留將識者看

翁丈柔中同姪昭文相訪留兩日既別贈以詩

委巷無過客明燈迎此翁歡欣屐齒折羞澁酒餅空燒
芋隨家法論詩到國風胡麻煮清棗更擬故人同

網山

屋舍高低住比鄰活計同簞簞嫌月白螳螂要霜紅吠
犬隨邨落賣魚成老翁地鹹耕種少海熟抵年豐

題長樂縣靈峯寺望日亭

雲母江邊有草亭分明見得日頭生一邨籬落更何處
此已無天尺水聲

林井伯母生日口占

由來此母如我母再拜一卮復一卮最好年年作
日碧蘭黃菊與同時

音佐生

重陽次日登城山

城山飲罷冷侵衣湖上重來月滿卮
未愛疎籬黃菊日
最憐秋水白雲時

秋日題

漠漠騷騷如卷沙當門枯木見巢鴉
秋林最怕風吹盡
一直愁心無葉遮

草堂老人和仲平頭七十宴客綠煙亭輒賦口

號一章以為草堂之壽

今年七十多青裏莫把仙翁一例看
再拜尊前為翁舞
草堂最好是無官

辛卯歲應舉過西峽渡

白鹿山頭雲欲頽
峽門灘下水為雷
錦囊破裂元無用
席帽欹崎還更來
我自未能逃世俗
人誰便解脫塵埃
扁舟且趁牛羊渡
莫問如今第幾回

寄精嚴谷堂惟頤老宿二十年
欲訪谷堂觀筆
法因循去未得
偶逢水西客
沈吟久之因寄

此詩

隔浦娟娟古佛廬幾迴欲去更踟躇敢誇柳氏元和脚
要問隋僧智果書見說交情多雋達每慙識面尚生疎
山頭紅葉知無限可許閑人暫寓居

寄范都廂

南去封題久不聞壯來數數聽寒暄
鏤太華三千首擊柝長安十二門
飛觀凌空天子國輕帆半日女兒村
淵明好趣柴桑近官職高卑未要論

奉陪嚴陵史君楊校書興宗囊山夜話一別數

月欲見不可得因寄此詩

鄉塵一語竟何曾卻向他州逢李膺白馬千山緣雙相

先生之喪史君來弔
往返數十程故云

朱幡四海有嚴陵鵝湖猶記通宵

雨虎石還同半夜燈束髮相看才兩度不知再見幾時

能

楊校書云要得一書藏
石室為緣新說自金陵

秋試後再寄林井伯

方國三年一合圍園門屢戰定高飛人如我友無青眼

天豈斯文厭紫微苦縣老聃終遁去敬亭小謝未須歸
丈夫謀宦非身計荔子山前有綵衣

得舍弟行可鹽官病後書

荷花開盡蓼花紅遊子今年秋又窮千里病眠鴻鴈影
一書愁殺月魚翁天寒好處余悵芋日落何山汝轉蓬
名利不成作歸計先生已老海門東

舍弟客臨平

憑誰為問鵲鵲原燈火三更殞淚痕天遠未知萍梗迹

書米說在藕花邨年華似汝寧為老場屋如我已嬾言
壁水故人今壯去

井伯時為國子生

短長門戶好同論

借冊井伯

吉貝城邊寄此身故鄉歸少異鄉親蜀無儋石雄何苦
洛有書船孟不貧綠水孤邨何處客白頭雙闕老門人
令狐冒雪成圖畫可許渠儂接後塵

憶浮家洞

萬竹蒼蒼烏鳥啼一江渺渺薜蘿西幽懷動處蘭初長

好句來時月已低
年歲卻從為客盡
家書長是倩人題
疎鐘日落孤邨立
秋燕梁空歸思迷

寄表弟章由之為理曲堆屋廬

苦來為客竟何為
宅舍荒邨誰與治
別墅雖無輞川畫
生涯堪入杜陵詩
身如燕子年年去
家似漁舟處處移
丹井西頭曲堆下
更煩歲晚補疎籬

送林子方秘書枏赴廣東提舉

乘軺嶺外丈人回
奉使天南學士來
萬里家聲蠻子洞

一門旌節越王臺
驛辭瀨口初逢菊
界入潮州定折梅
莫怪襄陽負韓約
芸香又好賜環催

次韻奉酬林仲雨

年去又來三月強
詩成未了寸心狂
已無精力能穿鵲
尚有頭顱可牧羊
老柏從教逢歲晚
幽蘭本不為人香
東膠待補猶堪戰
莫道今無識繞梁

奉寄雲安安撫寶文少卿林黃中栗

泥封款款下青冥
却許麾幢換使輶
夔子城頭開幕府

杜陵詩卷作圖經十年去國未還國萬里長亭更短亭
可信明時好人物亂猿啼處是州廳

滕王閣懷古奉呈撫州別駕兼簡戶曹

城連帝子閣西頭水遶南昌故郡流山短天長鷗鷺小
夜深雲淨月星浮澹臺墓暗竹根古孺子亭荒荷葉秋
漠漠滄江無了日哦詩空只替人愁

江西試罷還故里八月二十九日過飛猿嶺連

日遇雨

萬里崎嶇愁不禁飛猿更聽雨林淋
將暑藥涼無用未著秋衣寒已深刻
鵲雕蟲成底事牧羊餒鴨負初心
還家漸近病漸好得句自題時自吟

同安撫趙子直汝愚餞朱晦菴於懷安得重字
祖帳寒梅白未空已看新葉綠重重
八州斧鉞送行客十里旌旗遶暮峯
北斗獨高韓吏部南州爭慕郭林宗
一時賓主俱豪傑敢道招要到野農

別莆陽史君林宗丞

扶羸十日候行期
瓜葉初生荷滿池
別袖難禁須進酒
離情未足更題詩
飛鸞渡口還家後
老鼠梯前到闕時
士論民謠如皦日
甘泉直上豈容遲

代上陳給事峴二首

謝安舊宅翠雲環
復見新牆月樣彎
市近豈容三島客
樓居須向九仙山
去天尚鬱金門步
計日催歸玉笋班
好與衣冠添盛事
一門三府照人寰

雲錦軒楹蘭玉階
暫從仙仗下蓬萊
良辰歌管聲聲起

明月妝樓夜夜開
天上李藩批勅手
蜀中嚴武總戎才
可教問舍悠然去
即下紅泥趣召回

挽辭

艾軒先生侍郎

菖蒲對客尚從容
明日紅泉夢已空
縱是千年有豪傑
六經人物在斯翁

黃柑時候曲堆邨
長憶藍輿到華門
恰是今年去年日
野螢衰草弔寒原

青龍陳君次膺

誰解題封忠敬堂
長安白髮紫薇郎
斯名似不緣渠作
却最關渠淚數行

胡為春渚夢初回
却是行舟恰到來
數盡長亭過閩嶺
夕陽愁殺落花臺

光澤朱君賡

諸老蕭蕭似卷塵
不堪再見素旌新
白頭縣尉苓菴浦
夜雨寒窗是舊人

余倅父子

廬陵別駕有慈闈到處官亭見綵衣
總為青山能送老不知黃壤卻同歸

誰唱雙棺薤曲悲前聲未斷後聲隨
人間父子情何限可忍長簫逐个吹

小練林承事

文炳父

薤歌才唱已堪嗟莫道生平隔海涯
曾向網山圖上見蛇門東去是君家

生前莫問劉郎浦死後
遂看孟母隣遙想芻靈穿海出
浪頭如屋自愁人

夏循矩先生

歎息青燈下偏旁古字通
讀殘五車去贏得一生窮末
俗輕前輩何人念此翁
傷心舊時宅颯颯已為空

宜人姚氏

余倅之母

別駕歸來日連年哭九原
白頭如此母丹旌只諸孫
燈火檳榔市簫茄梅子邨
比鄰惱鷺鴨還阻弔幽冤

章徽之妻盧氏

萬里歌萬里曲長簫悲奈何短草歎不足少年款款嫁
夫壻今夜屋檐何處宿萬里歌萬里曲



宋百家詩存卷十七

欽定四庫全書

集部

宋百家詩存卷十八

詳校官監察御史_臣孫家賢

主事銜_臣徐以坤覆勘

總校官庶吉士_臣倉聖脉

校對官中書_臣葉蘭

謄錄監生_臣劉達

欽定四庫全書

宋百家詩存卷十八

嘉善曹庭棟編

大倉稊米集

周紫芝字少隱宣城人紹興中居陵陽山兩以鄉貢
赴禮部俱下第家貧并日而炊里中人嗤之不顧力
學益苦年六十一始以廷對第三人出身歷官右司
員外郎出知興國軍秩滿奉祠歸居廬山著有太倉

稊米集及竹坡詩話

越臺曲

玉顏如花越王女自小嬌癡不歌舞嫁作江南主國妃
日日思歸淚如雨江南江北梅子黃潮頭夜漲秦淮江
江邊雨多地卑溼旋作高臺勻曉妝千艘命載越中土
喜見越人仍越語人生腳踏鄉土難無復歸心越中去
高臺何易傾曲池亦復平越姬一去向千載不見此臺
空有名

白苧歌

大垂手小垂手江南白苧世罕有吳姬十指玉纖纖白
苧新裁舞衣久秋江四面繞吳宮吳宮霜橘樹樹紅吳
王夜宴不知曉但見紅日昇曛曛美人低鬟復回袖持
酒獻君為君壽人生得意不行樂白日如梭夜催晝吳
山依舊吳江清離宮故苑難為情不知誰遣南山鹿還
向姑蘇臺下行

飲馬長城窟行

長安城邊邊地永萬里沙場地無井秦人掘土土作城
城下窟深河水冷漢家將軍號都護西征上隴寒日暮
野駝跑水無處尋飲馬長城窟邊去長城窟古來戰死
多白骨征人半作馬下塵猶向陰山關馳突去時秋天
霜鴈鳴歸見玉關春草生將軍功高封列城鬪死伍符
無姓名

長干曲

黃昏明月上朱樓
簾旌射月香霧浮
畫闌垂手樓中女

對月低眉頭不舉人似長干橋下水一去悠悠幾千里
謾道嫁鷄逐雞飛長干夫婿那得知

五男父

白頭垂垂五男父一生辛勤立門戶五男炊白割紅鮮
阿翁米薪供五男悲風慘慘寒日暮翁入米山遭猛虎
猛虎磨牙卧道邊五男持戟誰敢前

魔軍行

五嶺南來山最多驅車日涉千陂陲山中食菜不食肉

十室九家俱事魔，縣官給錢捕魔鬼。
八萬魔軍同日起，將軍新破彊敵回。
馬前班劍如流水，新斬妖精拔羽幢。
傳首天庭藁街死，當時平田作戰場。
至今遺骼無人藏，舊居雖在人不見。
破屋蕭蕭圓短牆。

輸粟行

天寒邨落家家忙，飯牛穫稻催滌場。
燎薪炊黍呼婦子，夜半舂粟輸官倉。
大兒擔囊小負橐，埽廩傾困不須惡。
縣胥里正不到門，了得官租舉家樂。
去年有米不願餘。

今年白米要如珠路傍老人拍手笑盡道官兵嫌米粗
良農養兵與敵競敵騎不來自亡命田家終歲貢耕縻
十農養得一兵肥一兵倡亂十兵隨千家一炬無子遺
莫養兵養兵殺人不知

寒食曲

三月江南好春色買酒家家作寒食男呼女喚俱出遊
扶老醉歸歡樂極街頭盡日無人行多在山邨少在城
踏歌賽願一時了上冢歸來聞笑聲豈料如今一百五

畫戟滿城推戰鼓子孫半作泉下人薄酒不澆山上土
死者已往生者存隨分歡娛各兒女烹魚裹菜當盤殮
化作紅妝烏歌舞君不見江南江北多戰場去年白骨
無人藏

木芙蓉歌

吳江十里霜華淺秋空無雲霜日暖芭蕉樹暗簾幕垂
木芙蓉開紅婉婉銀牀霧重梧葉飛金錢埽地秋蘭萎
無人自對秋風笑黃蜀葵花不同調慢綠妖紅解醉人

徐孃未老秋孃少少年時節歡樂多紅蓮影落秋江波
若邪女兒白如玉夜半采蓮聞櫓歌驚風吹浪鴛鴦起
回頭日月龍梭裏對花不飲今蹉跎淚湮秋風當奈何

秣陵行

秣陵城門夜不開城頭搥鼓鳴春雷緋衣擎火燎民屋
萬井一炬飛紅埃道傍橫尸人不識血流但見秦淮赤
府中官吏一百人盡取姓名書罪籍元戎被執不得歸
賊坐黃堂縱呵叱明朝傳檄下九州九州牧伯不敢收

金史卷之八
卷十八
可笑官軍橐羽箭環視走卒櫻城樓將軍樓船下巫峽
膽落雙旌俱捲中日集五十三頭顱一戰何曾短兵接
今年新起故將軍瀟陵醉尉勿浪瞋文致太平武定亂
非渠誰復清風塵

競渡曲

江風獵獵吹紅旗舟人結束誇水嬉短衣青帽錦半臂
橫波鼓鬣飛鯨鯢江潮漫漫江水濶浪花擊碎千堆雪
畫橈擘水挽不回白羽離弦箭初脫歸來醉作踏浪歌

應笑吳兒拜浪婆，朱樓相映綠陰裏。
兩岸人家歡樂多，飯筒角黍纏五采。
楚俗至今猶未改，日暮空歌何在斯。
不見三閭憔悴時。

射鹿行

白羽紅旗遶山麓，爭向山前射奔鹿。
獵夫舉網常苦辛，誰寢其皮食其肉。
腹中著子初成斑，梅花碎點真珠圓。
雙桃壓髻玉簪短，去作誰家頭上冠。
貴家金多逐時好，尚覺蛾眉嫌不蚤。
一皮可值千萬錢，競作芭蕉當珍寶。

大者有茸膽有紋舉無遺族如何冤玉纓瓊弁者誰子
始作此備知非賢

雙鵲飛行

憶昔江鄉遭亂離兩翁避地雙鵲飛一鵲南翔一鵲北
北鵲墮地南鵲棲天長地遠去不返巢傾卵覆令人悲
去年賊兵初聚黨今日王師方解圍春陵萬戶纔有幾
駱谷一家空獨歸歸尋故里不知處白首支撐滿塗路
城西有屋無人居城東有地無屋廬彷彿相從舊遊處

淚棲雙睫還歛歔

燕銜栢行

雙燕何時來瀚海寄巢修椽巢不改春深巢穩初養雛
雙雛引領仰呼哺雄將雌出雙雛孤雛危墮地聲呱呱
雌隨雄歸見雛泣主人將雛納其室雙雛脫死翅欲開
元衣素臆去復來明年主人開壽宴畫鼓停撾歌舞徧
雙雛傍席爭回旋共銜青栢置尊前口不能言對以臆
再拜壽君如栢年

石婦行

生男有閨房莫娶青樓倡
生女事姑嫜莫嫁遊冶郎
倡心從人無定準遊子一去忘故鄉
山頭義婦無人識踰身上山生死隔
人將此婦作石看不信此心元是石
相從豈復無他人髣髴彼兩髦
真我特江流可盡山可平不盡悠悠
千古情蚤知郎去無消息悔不將身
事尾生

莫愁歌

蓮花深紅蓮葉綠
平沙月上鴛鴦宿
青腰玉版蘭作橈

月下莫愁歌一曲移船入花花轉深花深調苦難為音
江邊夜半誰為語只有嬋娟知此心露華漸白月漸午
刺舟自覓來時路明朝繫纜柳邊門却在夜來潮落處

倡樓詞

桃李豔春風榮華照京洛九陌飛香塵朱樓響絃索美
人倚脩欄青城捲珠箔白面誰家郎已商載金橐大舸
何奇我繫舟樓下泊哀弦雜清歌日日樓中樂謂言如
江流偕老有盟約一朝買婢娟蟬鬢輕梳掠情從新人

歡恩與舊人薄去年與青棠今年贈芍藥人生有榮謝
曾不待哀落倡女不嫁人深心失期約

遊麻姑觀

清秋禾黍罷南畝幽事少凌晨有佳興振策事輕蹻微
蹤躡飛猱雄跳高木杪上有仙子祠棟宇頗傾撓騰空
想雲輶遺像空鳥爪黃冠三四輩生意良草草更欲問
丹爐雲山遂窮討道人笑不言此意未遽曉但云須趣
轅山靜虎出蚤勝踐良獨難仙事亦杳渺了知世俗人

塵凡隔蓬島

小壺貯江蠟二梅幽絕俱可喜作三絕

遮眼梅花不要多惱人無復奈香何月明羞著銅壺影
矮樹斜枝憶短坡

吳娘解滴酥成蕊天女能融蠟作花付與詩人說妍醜
風流二女本同家

天上姮娥白玉肌蕊珠宮女鬱金衣相逢月下渾無語
笑指蓬壺作伴歸

道由於潛將遊西菩問之路人云已過遠

人生如落花隨遇皆可喜但恐兜羅綿牽連入荆杞我
馬今未羈猶堪作幽事道逢西菩山欲問參寥子舉鞭
信蹇驢褰裳渡流水隱約望三山展轉繞千里吳兒指
示儂但隔一山耳窮途殊可笑興盡亦復止吾曾坐天
院萬事無不爾小者今復狀大者斯已矣

越臺夜雨

夜暗秦淮雨燈昏越女祠寒窗歸夢短秋枕客情知鳧

鴈初何定雕蟲技亦半明朝江上去重理釣魚絲

晚遊戒珠寺寺王逸少舊宅寺僧秉燭觀王右

軍畫像出訪鵞墨二池歸已三更

悠悠倦徂征忽忽厭羈旅出門復風埃況乃迫煩暑茲
遊愜初心突兀見精宇高人昔所廬樹木亦奇古微風
入冠裳林影散廊廡僧窗靜無塵燈火照眉宇聞此坦
腹姿鬢髮稀可數樂死固不虛顏色如處女平池渺清
泉淅瀝過新雨誰言臨池上至技本天與鵞羣久已空

團扇復何許興盡且當歸夜半月方吐

歸雲洞

南華老明師遺像頗清古昔為挂空月今作歸雲土雲
來初無心雲去定何處空餘暗竇泉翠盎含白乳華堂
誰復支缺甃久未補林聲自成風山潤疑欲雨窮幽眼
未饜曳杖足已苦入山無與迎出山信誰阻有客自去
來山僧無一語

次韻次卿見寄

此生懷抱向誰開惟有華顛苦見催萬事只今渾是夢
寸心堪笑已成灰路長安得詩飛去交淺惟愁雨不來
此意喜君無冷煖尺書頻寄塞鴻回

病後二首

山有生前約花留病後開得閑如吾少扶步與誰來閑
戶深防客哦詩穩送杯夕陽如有意催月與徘徊
病後身還健憑高喜欲顛亂山推不去一水忽當前遠
碧飛雙鷺平湍落釣船自今如不死餘日盡詩年

二月二十八日雪晴步上西山亭示天用兄弟
山嶠猶殘雪人家欲禁煙客寧嫌鳥語晴亦惜花妍愁
色連千里春風又一年亭高莫回首白髮滿江天

晴色牽人出春風惱不歸鳥爭呼永日花各醉斜暉杖
策從誰去持杯與願違兵戈愁外滿人物眼中稀

次韻姑溪興國寺晚眺

禪房花木有殘紅此地還因曲徑通竹影看搖金瑣碎
風鈴解語玉丁東人來白鳥橫空處山在先生倚杖中

絕唱未酬才已盡
夜燈搔首鬢如蓬

次韻伯達大水見懷二絕

雨漲平池綠似堆
半扉春水眼慵開
無錢得買扁舟去
莫道舊來今不來

相望千家信不通
懸知春在雨聲中
蹇驢欲去愁泥滑
安得西飛六尺鴻

次韻趙思誠沈彥述春日和答

三千客裏賢公子
八詠詩中瘦沈郎
他日功名垂竹帛

只今悲笑共杯觴
鳥能娛客時相勸
雨亦憐花不打香
喚起春來同一醉
天教閑日為君長

次韻吳思道贈姑溪道人

殘生擬覓山中伴
萬事厭從兒輩談
笑吾攜家常作客
羨君買地已成菴
蚤將遼海千年夢
換得曹溪一滴甘
聞與道人新結社
嬾雲今不是常參

次韻次卿攜酒見過

睡過花時無好懷
柴門誰閉復誰開
擬從月下放舟去

更趁東風攜酒來
鬢髮且休論蚤白
悲歡正好付殘杯
君無舊雨仍今雨
相見應須日百回

得次卿近書

白水彭門道
秋風古戰場
人應思故國
樓更在斜陽
消息憑魚素
遊蹤問草堂
蘭芽知己茁
何日見諸郎

晚霽

翠葉看成幄
濃春喚不回
愁今連落絮
雨欲到黃梅
埽地花狼籍
開門燕往來
晴峯數點出
暝色一禽催

過張參軍故居曲肱亭舊居在馬山谷老人名
亭且有詩所謂鄰雞呼不起擁將出京畿

老眼愁千斛飢須粟一囊遂成遲去魯還作薄遊梁客
思風塵惡鄉音道路長何時秣歸馬趣吾理晨裝

次韻次卿寄姑溪時欲問舍宛陵

吾亦平生欲執鞭拜公眉宇記當年泰和人物真圖畫
李白風流似列仙雪裏已無回樵意文中新有卜居篇
幅中還作溪堂夢何日相從白水邊

河鮑

水沒江邨不見沙
河鮑吹絮荻成芽
平生所欠惟一死
可更杯中論鎔鈇

釣蓑常恨此盟寒
兩歲珍庖屢入盤
細雨春江從此逝
不應猶棄季鷹官

雨餘便有愁意夜聞絡緯聲甚急

朝來三尺雨一灑
遍原隰秋風埽快
霽涼氣便相襲幽
人倚寒窗睡眼已
生澁淅瀝井梧聲
風枝擺餘溼推枕

夜未央牽幌月還入淒怆裘褐念感此絡緯泣嗟吾豈
不知索衣裳無及家機卧空軸麻縷無可緝殷勤語秋
蟲相煎何太急

行邁

秋山淒無風木葉寒自委羈客不得歸行邁日靡靡
瘵馬嘶暮塗忍飢渡寒水落日晚更明棲鳥驚復起人
生各有求誰能異生死行行重行行辛苦那得爾亂石
摧前輶旋車亦當止飢寒若見驅臨風一長喟

暮宿

朝行繞山麓暮宿投孤邨父老頗見招落日猶在門庖
煙不滿竈汲水復抱薪為吾炊黃粱一飽才逡巡百錢
得香醪湛湛盈清尊吾雖不解飲亦足濡吾唇纓足捫
飽腹燎衣煖餘熏願言息劬勞少浣塵埃昏殷勤戒鳴
雞未用呼晨暾

端午日小雨已而復晴

斷雲飛雨過平川吹作團欒碧玉天酒綠彊能開病眼

條長那解繫流年閑收艾葉晴窗外忍對榴花白髮邊
細葛香羅天上有烏紗白簟壯窗眠

五月八夜月色明甚望麻姑昭亭二山

天高月白夜漫漫倚杖來看月下山老眼直窮煙霧外
諸峯渾在有無間翰林晚酒今何處仙女乘鸞去不還
天恐兩山看未足故飛明鏡照孱顏

讀林和靖集書其尾

泉石膏肓挽不回笑看嵩少仕途閑暮年封禪無遺集

平日江湖只釣臺
月自黃昏梅已老
鶴無消息客誰來
吳兒不解高人意
秋菊何當薦一杯

忻師開小軒
秋霜之側范龍閣
名以絕塵要予

作詩

虎溪大士軒雖小
龍閣老人詩更新
積翠但令常到眼
軟紅元不解隨人
抗容俗裏自得計
望拜馬頭渠豈瞋
只好與君供一笑
世間何事可關身

酌明寂泉

修塗繚重岡病足倦遊歷山根得蒙泉石盡貯深碧亭
虛繞朱欄綠淨明水色老禪黃藥來棄置久復憶振策
望青雲清泉裂崖壁至今一掬甘長飲山中客金鼎候
松風蒼龍破圓壁醉腹澆彭亨真味付泯默何當謀挈
瓶徒倚終日夕清甘不可漱猿鳥與同喫洗吾兩耳塵
爛煮南山石

中秋月下作

去年城南作中秋江雲遮月爛不收幽人獨對秋風立

姮娥似隔重雲羞更長忽聽曉鼓急夢去只有殘燈留
今歲不知身在此門枕長江風自起尊中有酒坐有客
江面如天月如水秋風滿樹淒葉飛新歡欲盡還成悲
身其餘幾事不偶老之將至吾今衰人生閱世自有數
萬事反覆難豫知何當舉酒一再拜與月更作明年期

宿蔣山

薄遊踐初心寓宿便晚靜山空秋有聲人寂夜更永華
鯨催曉色有客動深省焚香禮大士支策上危巔黃金

明宰堵妙音生佛境眼窮天先盡地轉江萬頃緬懷梁
武帝問法昔造請講師烏巢中道契言自領奕奕天龍
宮金碧粲絕頂我来修法供汲水具乳茗願同桑下留
覽勝畢餘景還從天際歸悠狀理煙艇

九日登鳳皇臺

落木驚高秋旅食念行役含羞古祠花青蕊未堪摘雲
山不著脚佳節似可惜一嘯百尺臺往趁凌風翮羣山
如玉玦千古園故國孤城打寒潮往事誰記憶玉樹那

得花金蓮去無跡興亡更六朝
濺血幾飛鏑重瞳飛上天
毡毳避繒弋何年覽德輝
古塋猶可識父老無由詢
殘碑少遺刻空餘弔古淚
自對斜陽滴

次韻國師對月見懷

老子關門不著書奄奄真復似
曹蜍月來林下苦相憶
詩落眼前歡有餘滿挹清光歸
酒面不分秋色到吾廬
胸中拍塞愁千斛特地煩君一
掃除

寄徐季長

念昔桃始華別君漳水頭相別幾何時天事司蓐收闕
月六度圓相見間何濶百年飛電中能得到幾回別別君
幾何時憶君如飢渴飢渴良有時思君無時節野人苦
幽獨相值誰與親流落在蒼莽坎坷一傷神相望參與
商相隔雲與泥草木黍臭味笑談極相思相思一何久
行行重回首回首征鴈行中有來書否

次韻次卿中秋月下書所見

三載彭城夢新年故國秋月當千里共酒要十分酬翠

幕知誰捲雙鬟不奈羞寒蛩莫相惱啼作曉窗愁

次韻元素對雪十韻

雲凍風仍急天低雪未收
山寒飛鳥絕江晚一蓑幽
曉樹梅初放風簾絮自投
孤鶩迷遠鶴癡立看飢鷗
樗馬歸鞍速鞚鷹獵羽道
連城埋暝晚千騎冷貔貅
何處回蘭橈誰人擁釣裘
閉門憐吾病得句付君搜
上瑞書三白登年在九秋
何當明月夜同作廣寒遊

讀涪翁黔南詩作

金匱山房詩集 卷十八
阿香名字本無雙
流落真成竄夜郎
蚤歲浪言賜是錦
只今空復鬢成霜
名傳故國猶驚座
詩入涪川尚滿囊
天為少陵增秀句
故教遷客上瞿唐

次韻元亢和邦師喜其歸自錢塘

道人青眼為君開
前度劉郎今又來
白雨飽催湖上句
紅妝誰把醉時杯
籬邊采菊山千疊
渡口呼船溪九回
便恐橫翔到蓬閣
試尋林下小徘徊

送呂霞卿呂當世棄官出家

得錢夢穢官夢屍等為臭腐焉用為世人愛官如愛命
君獨棄官如棄泥道人胸中少荆棘一色但種棗與梨
華名自取不足取語在真誥高位疾顛無乃危魚須忽復入
君手三命循牆急須走朝將玉磬誦琅函夜著黃冠朝
北斗天上雲車久未來壺中日月空長久吳山楚澤兩
西東與子一笑殊匆匆會當握手五百載摩挲金牒還
相從

趙丞家野堂

近喜崔斯立新成背郭堂
傍崖深置屋喚客小飛觴
稍遣花經眼頻移竹過牆
官清公事少夢熟鳥聲長
膝倚柺枝瘦芸翻亂葉香
騎曹休問馬輦叟漫為郎
邱壑胸中事乾坤醉處鄉
人間一遊戲出處兩相忘

元夕睡起

元夕不復飲夜寒誰與娛
人隨千騎出自對一燈孤
有夢須黃嬾無情問紫姑
鰲山在天上相望隔中區

次韻元素野步

金隄不復上蹢躅
矍鑠何勞彊據鞍
從吾泥中甘蠖屈
看他高處作鵬搏
錦江春色能供醉
濠上游魚亦可觀
聞有平沙邀晚步
定隨明月下林端

奉酬韋深道見寄詩

蓋世功名豈不佳
韋郎心事本煙霞
秋風自老千章木
春雨誰分一部蛙
夜鶴正愁雲出岫
鱸魚會遣客思家
從君紉意論幽恨
準擬應須到落花

次韻邦伯達春寒

嶺上梅花使已來江南正月未春回
頑雲放日歸蓬牖
殘雪將寒入酒杯
便有社風催燕到
何須羯鼓打花開
老於春事渾無意
睡起羣書正作堆

次韻何丈即席

春風無力柳媽狀
花欲爭春作意妍
坐上詩成雲態度
尊前人闕玉嬋娟
鳳簫初暖參差竹
檀板還催大小絃
惡客正應妨作樂
主人渾似孟公賢

次韻子容池亭晚思

便到青雲尚黑頭有亭莫賦二宜休如君豈是池中物
更趁官閑作浪遊

漫叟江頭閑日月輞川圖畫小池亭謝郎春草有新句
付與老人雙眼青

次韻次卿林下行歌

聞道君家隱鹿門竹籬茅舍寄江邨龐公事業無多子
只有平安遺子孫

郡郭東邊是草堂嵒花時雜澗花香愁從把酒杯中少

日向讀書窗下長

身世無營策最良
年來幽事不多忙
飯牛欲起方朝露
種豆纔歸又夕陽

得酒固應聊獨飲
有田何苦不親鋤
客來深巷聞雞犬
便是淵明歸後居

聞蛙

草合平溝漲綠醅
亂蛙聲在古城隈
何時細雨春風夜
還我西池鼓吹來

次韻趙鈴飲次卿家時牡丹盛開而僕不及見
楊子草元仍有居河間好事復多書獨來林下相尋處
醉到花間得句初人去不知紅爛熳春殘忍看綠扶疎
明年許作尊前客準擬籃輿喚阿舒

婁黥菴納涼

婁黥無骨可封王生事全憑藥一囊閉戶翻經頭已白
開門延客酒初嘗竹從春後知無數花自山來別有香
未有寸椽容吾老聊分一榻借君涼

八月二十一日大熱夜半微涼

八月大地千里赤
蓐收權輕苦無力
未許寒蟬抱風露
聊為秋蚊增羽翼
蒲葵呼扇腕欲搖
絺綌捐衣汗猶滴
誰遣西風夜半來
先向高梧寄消息

和李似表丞廳梅發用胡士曹韻

江頭雪屋知誰家
雷中冷艷空爭華
不知何郎閉東閣
坐看江梅初著花
谷底春回猶未透
天寒袖薄姿微瘦
黃昏有月誰復知
舉世無花出君右
人生一月幾胡盧

枝猶在手霜滿鬢湖邊孤坐不飲酒西湖處士空清臞
知君不學崔斯立幅巾漫對枯松林鐵心雖冷香自勝
金縷醉歌歡豈無明朝花在有新句詩成阿買還當書
東牆橘將熟催以長句

木奴嫋嫋半垂牆故惱幽人苦未忙雨細不妨無賴綠
簾疎時與可憐香誰將磊落黃金顆為付甘酸白雪囊
只有天公真解事便須先借滿林霜

飲沈都曹家梅花下

去年夜走三百盤山中飛雪朝漫漫不知春向夢中盡
更有梅花醉後看今年冬溫寒力軟春入梅梢已堪翦
插花重飲故人尊猶得一枝供細撚豈知聚棘避戈鋌
還對粉香驚婉孌花前楚客狂欲顛月下吳牛定欲喘
明年尚恐賊連營零落肯教花滿眼只今猶可醉餘香
杯行到君莫嫌滿

次韻同舒天用和元夜

亂離燈火不成春月下歸時有幾人
吾老尚堪陪一笑

世間無似此閑身

遊騎歸來尚半酣一杯誰與覓頭柑小窗夢斷龕燈在
影落疎梅月上菴

菖蒲山子歌

南人生長在山間家家有窗窗有山吳峯楚嶠不知數
但見雲埋雨洗堆煙鬟誰知長安綺紈子一拳何處鏡
雲根陽侯疏鑿出巖穴上有欄斑斕絳紋下有千歲不
死瑤草蒼鬚繁癡兒持此矜王孫朝攜硯礪登朱門暮

擁紅旌辭帝閣開元承平二十年四邊無警不控弦繡
衣半是花鳥使達官避路何敢言大鵬寄我春浪碧處
處爭看太湖石天心不肖乾太湖八洲萬口空嗟吁衆
石作山齊華嶽千峯萬巒撐碧落樛龍天矯攬雲雨彷彿
去天無一握錦帆東下飛龍舟咸陽苑蘂空蕭索杜
陵野老哀江頭菖蒲之山兮誰爾留

次韻草堂主人雨中

反鎖衡門誰復開草堂殊不見兵埃雄風斜卷雲頭去

雌霓橫遮雨脚回

有家憐我無鄉地
好事知君不世情
借得小窗安淨榻
卧聽風雨入荷聲

虎頭山下元無路
龍骨溪邊尚有窗
風裏荷花吹不倒
雨中鷓鴣自成雙

含桃熟後鶯還語
柳絮飛時燕亦忙
風物但隨時節妙
不知人意亦淒涼

避地偷生只閉門
不堪搔首對醺尊
行歌野哭江頭路

雨葉風花總斷寬

避賊遣懷

避地倉皇夜悲涼郡郭西捫蘿危絕磴杖策困深泥掩
面憐癡女回頭愧老妻驚寬猶未定壯馬莫頻嘶
心折來時路身行亂後邨土兵呵白晝野婦哭黃昏賊
去煙留屋人歸日在門春陵四萬戶今日幾家存

寒食

寒食只數日天氣殊未佳輕雲澹微茫細雨吹橫斜青

春似無情不到愁人家
霽色忽浩蕩平原繡芳華
走馬惡少年挾天射戟牙
白羽叫鸛鳴舉網連五豕
會當斬長鯨封侯鳴鼓
臨時危何不有寒士空
泥沙凜凜羞俠氣悠悠
但咨嗟

次韻常元明西坑見寄

西坑只在亂山邊
尋得仇池十九泉
有句能催千嶂雨
無人共釣一川煙

野飯

野飯聊娛老登盤春物嘉
毛羹橫荻筍煮餅薦槐芽
魚尾初垂劍臺苗未著花
誰言庾郎瘵蔬腹漸禁茶

明皇羯鼓圖

禁藥鶯聲外天袍擁御黃
曲名翻荔子奉色繞沈香
白雨花奴手風髻舞馬牀
向來歌吹地何處是漁陽

送智上人

道人飲山流顏色頗秀整
經營一菴足偃蹇萬事屏
忽隨銅峯雲飛下銅峯頂
欲了一大緣此意極勇猛
白晝

多豺虎橫塗半坑窵為言屍陀林誰能保腰領要憑降
魔方化爾清涼境師亦初無言薄俗時自警盡洗歷劫
冤願力周溟滓瘳藤行可支脊勿厭馳騁

元素僻在草野羣盜縱橫久不得問新作鼎來

喜次其韻

兵氣纏滄海斜陽入暮林冤傷春落絮淚溼晚啼禽只
有衣成結渾無髮受簪殘生已飄泊老日更侵尋

同仲共兄弟訪趙行可置酒

倚杖山頭寺維舟柳下隄莫催金轡裏且醉玉東西亂
後兵猶滿風驚鳥未棲看君飛動意兩目在鯨鯢
坐客三株秀王孫玉樹高酒寧闕爾輩山合對吾曹遊
子家何定將軍戰未廛相逢莫相失羣盜正如毛

初夏

絮飛長陌又春餘綠滿菖蒲夏已初雙蝶不來花寂寂
一鶯時到樹疎疎平生嬾作折楊曲萬事可占長柳書
只有故山真耐久伴人閑處作躊躇

賊退後經舊居

反側虞戈兵流離厭山谷師興解重圍亂定出荼毒提
攜望鄉關老稚甘跣足故里成邱墟門巷亡詰曲大木
亦已薪蔓草行可束束鄰殺翁媼禍難云最酷白骨在
草間零落不相屬西家各奔竄囚繫及僮僕當時黃金
囊掉頭不冒贖親交半亡沒變故誰紀錄舉家竟何歸
寄身歎局促凶年大軍後旱氣日熇熇涸井不供炊垢
膩那得浴不知病瘵軀何以度蒸溽自從關陝亂威孤

殊未羈十人九無家蕩析豈所欲微生何足論主食久
不玉但願蚤休兵四海各安俗

毅師以次卿詩見示以詩還之

雲錦當年事傷心不忍思江寒收骨後山曉斷魂時直
節君何恨天心吾獨疑老懷無處著更復把君詩

歲杪雨雪連日悶題

春前舊雪連新雪雨後春寒帶臘寒殘月送年能幾許
一番風雨歲將闌

樹頭雪過梅猶在地上春回柳未知舊歲新年渾似夢
冰雲寒雨不勝悲

凌歊晚眺

故鄉南望幾時回落日登臨眼自開倚杖獨看飛鳥去
開窗忽擁大江來傷心不見姑溪老抱病還尋宋武臺
歲晚無人弔遺跡壁間詩在半灰埃

次韻伯尹登嚴子陵釣臺

明光宮中杲夜鳴漢鼎何人窺重輕老驢未汗屬鏤血

四海掩鼻愁羶腥當時避地豈得已巖棲水宿俱非情
誰知舉世無真隱此意獨高嚴子陵一鉤明月滿蓑雨
桃花水漲春江平生涯頗似元真子端欲釣魚非釣名
故人已作飛龍起猶著羊裘釣煙水異時侯霸豈其儔
未可輕將袞衣比心知不為世人屈無故不作三公耳
富貴浮沈只眼前執戟長憐子揚子丈夫名節儻未立
安用區區識奇字

環翠亭

客意常隨倦鳥還，翠屏空夢小屏顏。
更將臨老雙愁眼，來看平生未見山。
西子為誰顰遠黛，湘娥何事結煙鬟。
千巖萬壑無人處，便是輞川圖畫間。

次韻伯遠春雪

風寒欲下欺春雪，天近先垂壓地雲。
堆得樓頭成玉色，吹來水面作波紋。
憑陵暖日竟何事，調護新花誰解紛。
溫詔始聞如挾纊，九重應復念三軍。

題趙固賓家夜獵圖

翰林作醉石偶似蒼於菟龍眠見之笑為作匹馬彎雕
弧云是將軍出夜獵上有仇池行草書雲沙蒼茫日欲
下道逢伏虎南山隅心知是虎不是石雙弦急控皆盧
胡明朝白羽飲頑石摩挲欲盡金僕姑君不見賜紫千
金新垣平連佩六印樂將軍致君大畧豈在爾封侯細
事不到君先生言語妙天下瘴海七年皮肉皺邂逅英
物數蘇李曹蜍如生亦如死龍眠有眼識天人異世同
成一奇事君當什襲勿漫摹此人此畫人間無

五禽言

婆餅焦

雲穰穰麥穗黃婆餅欲焦新麥香今年麥熟不敢嘗斗
量車載傾圉倉化作三軍馬上糧

泥滑滑

山中流水聲聒聒春禽說雨春泥滑誰為春禽語莫報
幽人明日雨幽人明日欲上山山雨雨足花爛斑

提壺蘆

提壺蘆樹頭勸酒聲相呼勸人沽酒無處沽太歲何年
當在酉敲門問漿還得酒田中禾穗處處黃瓊頭新綠
家家有

思歸樂

山花冥冥山欲雨杜鵑聲酸客無語客欲去山邊賊營
夜鳴鼓誰言杜宇歸去樂歸來處處無城郭春日暖春
雲薄飛來日落還未落春山相呼亦不惡

布穀

田中水涓涓布穀催種田賊今在邑農在山但願今年
賊去蚤春田處處無荒草農夫呼婦出山來深種春秋
答飛鳥

次韻伯尹食糟民示趙鵬翔

十年用兵九不熟人家有田不種穀盡枯膏血作軍儲
卻買官糟貯飢腹富者鬻田貧鬻妻夜困桁楊曉敲扑
長腰一粒不下咽輸入官倉常滿屋昔年貫朽內府錢
諸公何苦開漢邊自從邊馬飲江水便恐黔首流飢涎

黃塵白骨尚滿眼錦裘繡帽誰當前烹羊庖羔固不惡
飢民食糟真可憐元侯幕下短主簿官與斯民作調護
不愁吏者拙催科寧脫青衫賦歸去詹侯老文稱大手
樂府詩高世無有安得狂歌徹聖明便叱風雷清九有
却驅羣賊作良農還吾昭陵舊丁口

山中避盜

喪亂今猶爾安危了未分叛羌初射月羣盜忽如雲妙
畧歸諸將深憂軫聖君灞陵逢醉尉應有故將軍

避地今猶雪移家春復深
豈無花到眼可奈鳥驚心
茶嫩容時摘蘭香得細尋
山中有幽事青犢未成禽

夜燧餘三月新愁有百端
驚魂頻雨泣枵腹任風餐
射雉山居險熏狐穴處難
敵米猶可爾寇至不勝殘

今日報賊去山下猶復遲
羣兒收淚笑老眼顧人疑
夢入鄉關數魂應軀骸離
一春三避賊十事九成悲

翠巘幾曲折往還三數家
擣皮催作紙擁焙看烘茶
山盡始見日溪晴時露沙
武陵知便是隔岸有桃花

題趙鈴家墨牛圖

昔吾築室花姑川，短蓑青帽耕春田。
一犁落盡菖蒲雨，雙犢自分春草眠。
向晚歸來卧牛背，小巷疎林日猶在。
繫牛柳下門未關，鄰翁攜酒牛邊醉。
回頭往事無十年，田入富家牛賣錢。
草荒春隴賊燒屋，十口有家無一椽。
眼昏頭禿不如意，此畫一見心惘然。
河間豈是田家子，書多自可天祿比。
平生眼厭玉驂騮，水牯作圖聊復爾。
北陌東阡喚未歸，空遣農人告春事。
田間望月看吳牛。

老子從來乃如此便當火急解龍泉
換取四蹄耕春水
賊後收拾殘書作

此生空作短檠癡老去尤慚閱市資
豈有鄴書猶挿架
更無班史可充飢今朝過眼亡三篋
他日還君欠一瓠
亂葉紛披在懸磬春風可是故相欺

燕欲來巢

亂後烏衣巷已空擬尋茅舍伴衰翁
戲將雛去春風裏
銜得泥歸暮雨中炙手不嫌門戶冷
傍人知獻語言工

明年記取來時節應是桃花滿院紅

劉將軍寶刀歌

將軍寶刀玉三尺夜半有光如日赤蒼水使者誰敢捫
蓬頭劍士眼不識鷗鷺膏瑩秋水光切玉如泥不動芒
秋風夜作蛟龍吼人言乃是真干將知君老将家有種
談兵論事書撐腸不願君持此刀日解三千斗願剗月
支作飲器却纏錦條朝未央妖腰亂領不自保豈孤老
獬誰跳梁酒酣起舞為君語時危此劍知誰藏

雨過

池面過小雨樹腰生夕陽雲分一山翠風與數荷香素
月自有約綠瓜初可嘗鸕鷀莫飛去留此伴新涼

小蔡許偕徐詩未至

馬中未必無驂騑人中豈可無曹劉龍媒西來幾萬里
異士一出三千秋李白坐詩竄夜郎退之論佛流潮州
天公可笑無老眼兩翁憔悴令人愁平生四海黃太史
長庚配月何曾死西江自是南國紀高公有名政如此

人言此老酷似舅坐上拈花獨公喜分得江西一派流
萬古政須公一洗吾老晚詩空瘠臞起死鍼盲政要渠
子豈有意能起予書來并寄囊中珠

夏熱歎

祝融當權不可奪海水欲沸山欲裂黃頭老父見事多
謂有此身無此熱老人何得怨天公山堂日日多南風
烏紗著帽翦雲葉白鬚吹雪飛髻鬆已攜蔗漿澆熱惱
更注井花回睡容人生如此亦不惡飽食安坐初何功

蒙塵況駐奉天輦避暑望幸驪山宮蕃兵入漢作窠窟
戰騎橫戈歲馳突旌旗耀日紅蔽天鐵甲烘雲氣銷骨
安得壯士如惡來上訴帝閭闕開盡瀉天河作桃雨
四海八方無一埃秋禾不槁敵不來吾亦高枕喧春雷
立秋前三日夜雨

殘漏催燈暗風梧帶雨鳴細聽驚夢點渾作斷腸聲乍
冷秋應近無眠句又成愁多推不去頭白更憂兵

亂後併得陶杜二集

少陵有句皆憂國陶令無詩不說歸常恨兩翁埋槁壤
頓驚雙壁墮窮扉風吹錦里花枝少草長南山豆葉稀
自古高才多寂寞遺編讀盡淚頻揮

題湖上壁

寒食風埃滿客中西湖煙雨送愁頻日高未起烏呼夢
春晚不歸花笑人

洛水集

程琬字懷古休寧人都使雲十五世孫甫十歲有詠

冰詩云莫言此物渾無用曾向滹沱度漢兵識者奇
之紹興四年擢進士授昌化簿應博學宏詞科除建
康教授寧宗時改知富陽代者以邑之豪猾名授琚
琚置不觀曰我未欲知其名使聞而改過足矣以薦
除宗正簿尋直學士院理宗初兼侍讀除禮部尚書
紹定改元乞祠外補除福建路招捕使時汀邵寇作
琚威信兼用平定有期有忌其成功者因累疏乞休
以端明殿學士致仕卒琚以詞章稱當時世系本河

北洛州自號洛水遺民有集三十卷

三月十八鎖試童子侍其行卷蕭狀無事成二

十韻謾呈同省

旬雨埋青冥今晨浴新陽老紅墮萬劫稚綠羅千行葉

碎青槐古條淨紫薇香去歲護賔當今年已蒼簷

右史窗前

竹萌余去年護之甚至今皆蒼竹矣

翩翩鵲引雛伊優雀繞牆有象咸熙

愉對時多慨慷門外車馬喧省中日月長要之非大快

大快在滄浪滄浪興何窮風帆十丈檣明日酌嚴君

自嚴

入

浮邱蔚南翔

浮邱飛升於
嶽之黃山

快馬抹青山恍入萬松莊

先

廬山中多老人雪巔更眉龐持酒相勞苦兒童紛迎將

小卧聽雪塢

以下皆山
中景物

徐步堆雲鄉玉界梅萬本煙海

杉千章三峽桃源浪九夏冰巖霜危橋跨長虹曲水飛
輕觴兩日足可周百年事難量送客出松闕壯槩設門
旁揮手謝世人從今永相忘

勉子姪

外物不足恃翻覆百年間唯有萬卷書可以解我顏男

兒貴立志達人得大觀百川日夜流與海會波瀾邱陵
安於平寧復望太山方當少年時髮齒未彫殘聖賢戶
庭濶人人可躋攀謹勿隨餘子碌碌走邱樊

送常世卿歸嘉興

悔作唐山來山深交友絕相逢忽相得乍見乃乍別嗟
此冰玉人寒梅疎帶雪胸次羅文奎筆底耀離纈朝家
渴英雋結網仍高設行且收殊科勉哉嗣先烈一編忠
義傳軒翥歎先折千載懦夫覓脆骨變奇節識此吳中

奇復幸拜前哲何異魯國人一朝獲雙珖晴雲起芝田
東風催啼鵲慈庭有近書明朝動歸轍新抽草可茵微
露花堪折相思復相思後夜天邊月

仲冬望日登四顧坡

往哲有清言晉人未為達此身皆假合既散安用鋪大
音不在絃琴亦安所設當時逃酒徒往往畏侵及豁哉
桴海時風濤任興息

輓致政呂通議

營築未休插曉夕留松區忽聆載輶車歸自杭與湖冷
雨澁不晴山徑淖如塗間闕五百灘轉軸上雲衢純孝
格玄穹安席若平鋪憶昔祖慈親六月暑方徂奠酒雖
百壺練溪焦釜枯今日邈長風辛岨諒一如維公有賢
稱靄狀溢粉閭千金手不售其鍾後人乎天畀此石窳
指顧卽吾廬且復愆以平萬家守者居甚欲一引紱山
寒阻前趨黃羅金紫峯送目但躊躇

高宗皇帝實訓終編錫賚進詩

紅雲一朵金爐煙黃傘亭亭午漏傳龍沐猶御金華殿
方進羣儒讀寶編編中並載神堯語三十六年真復古
祇今安用讀遺書卓狀已復光前緒高皇當日濟艱難
猶在經綸未脩間今日山東河北地百年殫去一朝還
更有祖宗傳國璽琢於元祐隆平際玉光射日篆雲飛
今日煌煌登寶几高皇一笑在天靈神孫今日再中興
賜與千秋萬歲齡甲兵洗盡年豐登羣臣尚或呻咍畢
微臣但拱塲頭立芳筵華秩及龍媒亦拜聯翩自天錫

更憶先朝徹講餘有臣曰軾感恩腴願對紫微花影下
試草招來贊普書今也梯航慕中夏無復更待招來者
微臣但摩千丈松敬賡吉甫中興雅

代上楊誠齋

杜陵已醉老坡仙生後百年恨不及那知開眼大江西
突兀見公正冠幘凜然清風不可攀千載懦夫毛骨凜
暇時畧吐胸中雲坐使九霄成五色未辨執樂三千指
不計酒材七百石浩然收寶入丹田歸省廬阜千尋碧

那知城裏住相如但信城東有太白一時餘子皆鷁退
家有諸郎傳正脈世塵千劫都磨盡獨有詩緣渺亡極
天欲留公在世間管領風月長為客彩鳳一鳴天地靜
安得微吟容晚出詎止青山吞澤芥許投頑石博拱壁
先丘宰木已參天幽碣未刊但惕夕魯山四絕先李文
誼貫幽明光存歿先生匹素不可辜儻得煙雲生勃鬱
化為匹錦授丘遲磨鈍為銘希萬一要是人貪常熟書
非關買菜復求益詎敢限字如首間小大當唯意所適

庶幾挂在露寒堂琅狀一讀意一釋不須點白繪松鱸
解衣卧聽歌赤壁

辛亥冬交石阻風三日

陰崖老虎殺氣驕一噫三日攪沈寥日寒不斂雲飛逃
乾坤蟻轉東南高疾勢已作奔天濤餘威猶捲少陵茅
魚鼈怖死蛟龍號舟中性命如鴻毛起來危立大江皋
白沙黃塵紛驛騷徐呼風伯入葦蒿指撝八極建六鼇
翁張橐籥吾誰曹太平之風不鳴條

登紫微崖

富池大信江千里三日醉卧煙蓬底曉來推蓬登斷岸
因憶牧之呼屐齒九華隆隆開天脊微雲低度參差是
百喚牧之如不聞剝腕塵痕見文字今年十月天未霜
木葉留露光嶷嶷興亡風流不可論蒼松怪石還如此
我今與子陟層巔酌酒賦詩云樂只後來誰復是牧之
斜陽歸路芙蓉水

於潛佳丞四明人同年友也方此掉鞅百未一

見而來書羅縷無非歸與語豈醉夢書邪三
詩見寄亟占數語正之

世人眼見真蓮少真蓮卻在玻璃沼浣花溪水入銀河
何人更識月皎皎謫仙不見見梅妝荷稠拳作芙蓉裳
黃龍乾葉何年墮維摩雨華昨夜芳真花真詩元在眼
要須心地先清涼不狀瀟湘水清寒磯月沙平水晚露
低昂勸君休問張子房鑑湖十里藕華香天駟起河夜
未央胡為自同太白光何時握手論行藏江東雲暮天

何方

太上虛皇黃庭經句法十篇壽趙帥

今存
其七

太史告春纔五日東風昨夜傳消息斗邊一星下南極
飭以韶蟬扶社稷更昌斯文開民則

去年曾說冬殖綠今年蓼甲春盤簇綵花金勝相輝屬
五色斑衣佩蒼玉先奉度幃千歲祝

莫辭金醖十分斟過日星郎寵數深庭前桂子更鮮新
鼇頭蚤晚貼塗金公亦綠殿栽華簪

漢列土宇封同姓唐擢宗英持國柄我宋膺圖臨海鏡
參天杞梓仙源盛蕭敷艾榮何足訂

向也何幸識仙翁玉粟春明盛德容又常一再見阿戎
神情穎異機生鋒公家流慶無終窮

明年天使九街馳御茗名薰宣玉詞更敕儀鸞餉壽卮
我有新曲名紫芝會當獻之鳳凰池

喬松落澗節輪囷詩書萬卷終經綸日華隔霧光難晨
公獨知其墮凡塵何當一為問大鈞

郊臺信筆

江天欲雪未成雪
推出雲頭照霜月
此夕更長不可辜
何時百萬入采盧
幾年長涎一車麴
輸他獵奴飫生肉
也須龍伯坐鼇頭
卻看沙磧卧鰕鰖

玉堂晝值有懷萬松

鷄籠峯下萬松山
中有游民天地閑
左架虹腰上玄圃
右騎鼇背度飛關
幽壑流泉噴三峽
袞袞桃花翻浪雪
兩山對峙錦屏開
媽紫肥紅仍炫白
十里松風百峴琴

丹書一枕卧殘春何人共結無生社冉冉青蛻下玉麟
九華窻几匡廬禿幽深全似入盤谷懷山一夜鬢如霜
畫作煙圖入洛陽玉境那容凡骨誇急草天章訊歸路
磨松琢石歌太平亦表微臣報國恩

郊祀慶成詩

有序

臣仰惟皇帝陛下躬上哲之性遵列聖之謨
穆卜新陽昉嚴大報天地合饗祖宗並崇晴
光映於祥光冬夜溫於春夜燭花如綴蕭煙

不搖頌聲流乎天衢英風薄乎榆塞臣待罪
翰墨幸列侍祠懿鑠鴻休得所親睹謹撰慶
成詩五首一章述大典也二章玉輅如青城
也三章升圓邱也四章禮成也五章言天眷
聖德並隆不已也干冒天威俯伏惶懼

粹古皆頻歲災劉或異祠有唐方定制我宋遂因儀列
聖馨明德皇穹答顯祺恭惟聖天子大典應昌期

涓潔先原廟純忱歷太宮八神開列闕萬騎擁豐隆執

道清風肅洪頤麗日紅康衢聽細語八采更重瞳

牙籤猶未進玉冕已先須峻級飛平步端圭卻掖扶祥
光匝霄極和氣滿天區福飲煙升已儼神霄瑞符

紫時祇堂陞蒼龍奉駕回邊塵知電掃歲稔十年開丹
鳳覃天澤東朝奉玉杯樓前呼萬歲砰隱動春雷

謂聖惟能饗由心克致虔天心今答聖聖意更祈天冲
性猶勤德按求愈任賢愚臣輸至獻端在賦甘泉

憲聖慈烈皇后輓詩二首

西游俱來日東朝極盛時雕弓平黑海采筆照丹墀
起先裁費丹成不用醫人間空悵望風月宴瑤池
聖祖艱難業重孫擁佑恩王妃閑寶簡仙女送金根
香龍先去翩翩鳳又翻塗山望堯穴日月萬春存

光宗皇帝輓詩

厭聽人間樂催成海上丹雲車分白象天仗下紅鸞
梧野朝煙澹咸陽莫日寒龍舟宵濟處清血漲紅干

光宗皇后輓詩

金匱要略卷之八
卷十八
玉鎖辭椒禁瑤宮問廣寒人間方祝嘏天上忽飛鸞弱
水三山隔華胥一夢殘聖情凝望處仙御景雲端

丁亥閏五月十日回自真聖道坊車中記事

列障羅屏合回泉玉帶環外容三肘密中著十洲寬天
意驅蹲虎人心見聖蟾煩君招舊隱來此共潺湲

書富陽普照院二首

境勝由盤古間名自謫仙一從江國後又到老坡年山
頂煙仍紫樓頭月故圓繼今知幾劫風物更依狀

祇愛招提古那知俗更醇寺雖炎漢代人尚葛天民僧
定都忘客林深自鑠春我來千載後更有後題人

夜登釣石

頗憶嚴君瀨還尋釣石緣鄰鷄方叫月邊鴈恰書天句
秀來仙白聲和應樂全展編真一快如放五湖船

輓徐提舉

人品真豪爽天姿尚典刑晝簾深院宇春旆擁郊桐雲
子千艘白鹽煙萬竈青南州高士傳三歎一彫零

輓曹監丞

學渺千江水才雄百尺樓
鳬飛思兼縣燕窺憶蘇州
有感珠還浦無奇虎渡洲
浦江天濶處缺月正如鉤

五十六字庸以告未知野夫者

寧須山澤論高平但要曾餐石
決明三世擊鐘敲石磬
十年學劒斲銅釘儻知孤祖天
邊去肯向蠻奴脚底行
更許野夫尋上著十洲三島一宮城

慶元丁巳十月奉親如臨安宿西菩寺表吳

克仁俱焉

熙寧相望百餘年又有人如古鐵頑日落尚憐今夕路
月明無恙舊時山朱紅野實堆盤裏粉白詩牌滿壁間
欲為慈顏供一笑更留數語任渠刪

用朱經畧韻

歸來南橐舊蕭蕭但有新詩照佩瑤峴首溪山歸點染
湘天風月困吟嘲輕裘詩帥風流在岳牧詞臣意氣饒
見說玉堂須翰手公當歸侍紫宸朝

作堂六桂之東命之曰桂生取漢人招隱篇桂樹叢生之語也詩以記之

幾年列植擅清芳今日標題始作堂遠向松岡分老蔭
近於菊畹借寒香地雖未離人間世心已全脫物外鄉
最好夜來清絕處飛霜帶月下南塘

流觴西湖用范左史韻

畫航同載若登仙却笑泥羈馬不前要識冷煙催穀雨
須知澹月養花天千條翠柳隨風舞一樹夭桃照水妍

須信人生行樂耳虛名那用世間傳

歲暮

綵帖瑜糜溼屠蘇琥珀濃夕陽猶臘日午夜已春風

三月三日度白際

黃尖嶺名
白際嶺名

日望黃尖杪今登白際巔千山皆委地一臂獨擎天

戊子正旦賀壽慈宮二首

曙色浮丹拱春風煖禁街微瀾迷秀石纖草蔭新槐
鳳駕回天仗駕班集露門須臾趨魏闕杲日正中暎

粥罷

飯已茶三啜隅中粥一盂
陶狀詠皇化安用東封書

冰

十歲作

白日黃流漲渭城三更風緊盡成冰
莫言此物渾無用曾向滹沱渡漢兵

甘將軍廟

沙寒日薄水雲愁賊魏王吳一夜休
自是英雄元不死至今猶占大江流

晚發富池

甘王樓下一帆風獵獵
舟旗照日紅
灑酒三江飲龍腹
摩挲冠冕是誰功

築徑

入門一徑小紆回
百本芙蓉手自栽
寄語後來須善護
三年猶及見三開

雪霽玉堂曉眺

當年銀界隔鯨江
今日分明玉作堂
不是瓊林宮樹密

也應白虎接明光

修玉牒官閣子坐屏甚古詰吏亦不知曷始數

語紀之

摩詰何年留此筆至今雙壁猶峭崿老松掀甲作風雲
亂石激流殷霹靂

蚤入

紫薇浥露翠條深捷捷靈鳥振好音全似冰巖亭上坐
四屏煙靄奏春禽

直廬多暇新綠鬱狀信筆二絕

朝絕倖恩除目少邊清妖祲檄書希飯餘摩腹閑行立
一抹牆東新翠薇

壁右方壺浸碧天依狀全似太湖邊清風一夜生新興
好把漁竿上釣船

朱生論天

不知占得幾躔星閱盡人間聚散萍今日重來橋上望
依狀楊柳兩行青

五鼓夢中作覺而成之二首

人生萬幻一釐輕須築銅駝萬里城莫道斜陽光不遠
斷霞收盡十分明

當時千駟已無聞寧說牛羊上冢行同是博陵評古者
百令千載尚齟齬

閏九十四

午夜青衣海上還八年兩度雪封山如今一水平如鏡
好釣桐江五百灘

送松煤十丸與葉秀才

雲溪深處萬松林，煙起晴天自作塵。
根向九華分結處，與君同是墨仙人。

出南郊清甚

春風吹展到南園，著酒塗酥花正繁。
更喜滿前無俗物，橫塘疎竹渭南邨。

漁溪詩藁

俞桂字晞郊，錢唐人。紹興五年舉進士，嘗出守海濱。

政劇民頑桂理之裕如不廢吟咏與菊潭吳惟信芸
居陳起詩文相往復漁溪詩藁三卷淺淺著語風骨
冷狀如東山云廳有小園供日涉不愁無地種梅花
江頭云等閑更上層樓望貪看江潮不甯歸最佳其
詩長於絕句故集中所存亦過古律詩之半

雨吟

輕輕煙霧失樓臺雨暗吳山鎖不開試與漁翁閑訪問
落花幾許汎溪來

過潮

舟移別岸水紋開
日暖風香正落梅
山色濛濛橫畫軸
白鷗飛處帶詩來

溪流

雲腳纔行又復開
一聲隱隱只空雷
家僮忽報溪流漲
知是前邨落雨來

初秋

火老金柔暑告殘
乘涼正好望西山
秋聲來處無尋覓

只在窗前竹葉間

雜興

漫山花發草萋萋
楊柳飛綿水拍隄
況是客懷禁不得
那堪杜宇耳邊啼

偶吟

降伏吾心法無如
拒外魔苦吟詩愈拙
著意字猶謫
在苒青衫舊消磨
白髮多不才為世棄
徒自詠卷阿

雨中遣愁

花已開時人正愁
花簪頭上使人羞
一春可厭無晴日
下卻珠簾嬾憑樓

即事

陰雲釀雨勒花遲
梅已飄殘到杏枝
好是池塘清夢處
勾吟春草入新詩

松江

荷葉翻風暑氣微
看山露冷溼征衣
垂虹夜靜三高月
只照漁溪一舸歸

惜春

春事三分過二分桃花水上覓紅雲遊人浪說春歸去
柳外黃鸝尚自吟

東山

東山隨分作生涯即是清高隱者家麤有小園供日涉
不愁無地種梅花

夏中即事

黃梅過了猶慳雨幸有南薰在翠槐燕子亦於貧者薄

今年全不見飛來

惠山

徑入松關古秋雲帶樹煙只疑山有雨恰是澗流泉
騷客詩留壁遊人岸繫船憑誰招陸羽淪茗古欄邊

夏晨偶作

蠶事行將了農家刈麥初雨慳林少筍水澁港無魚
因病嘗慙酒偷閑嬾答書今年身愈老事事覺全疎

久雨

踰月留京國春光總不知可傷連夜雨好似暮春時有
客來無酒逢人只說詩官中聞閑釋應是細民飢

次坦菴兄韻

便中蒙賜墨得句勝如書暫爾兩年別俄狀春暮餘夢
馳情不閒心過迹何疎自省吾今老湖山縛屋居

鞦韆

吾今兩鬢已成絲每每逢春獨自悲最恨鞦韆無力上
風流不比少年時

夏中即事

青青梅子已添肥
犢角新抽晚筍遲
茶罷日長消睡處
案頭一卷樂天詩

湖上閑步

一番雨過一番春
芒屨閑行踏軟塵
城裏不知春色蚤
湖邊楊柳已撩人

新竹

傍牆穿過鄰家竹
愛護新篁數十竿
翦伐莫令僮僕輩

老夫日日要來看

虎丘

突兀浮圖插翠微
吳王事迹總成非
寺僧未晚山門閉
不放閑雲一片飛

春晚湖上

花事已成休都人嬾出遊
水添煙浪潤山帶夕陽愁
柳樹鳴黃鳥沙隄卧白鷗
不辭歸路遠何必買扁舟

苔錢

庭砌方圓出化鈞何須抵死論錢神貧家阿堵新添富
買斷西湖風月春

買魚

蘆花荷葉晚秋天鴈影橫斜遠水連頻喚買魚人不應
偷忙撐入拍官船

即事

東君無處不繁華一雨纔晴意便佳客舍山梅開遍了
從今嬾買擔頭花

春歸

晴天氣淑濃如酒引得狂蜂路亦迷
獨立闌干凝望處
賣花人在畫橋西

閒中

花飛春減燕雛飛葉葉成陰障翠圓
囊裏酒錢銷鑠盡
滿船贏得載詩歸

江頭

漁浦山邊白鷺飛西興渡口夕陽微
等閒更上層樓望

貪看江湖不肯歸

口占

園林綠暗又紅稀
蜀鳥啼山荀蕨肥
春夏一番交篆蚤
綿衣脫了著單衣

寓京二首

一官落笑如初只合空山去
讀書不稼不漁無活計
漫將名字玷公車

車馬紛紛厭軟紅
湖邊秋意屬西風
木犀初放荷花老

買箇船兒學釣翁

江上

江頭雲閣雨柳色與春深
船發春風阻誰知客子心

古意

無言情脈脈美人久相隔
道路阻且長春草幾番碧
鳳釵冷鬢雲鸞鏡輕雲暮
昔為比翼鳥今作孤飛翮
愁絕寄郎衣腰瘦裁宜窄

春日即事

羲馭舒徐日正遲
園林已覺杏花稀
半晴半雨春無準
燕怯輕寒不耐飛

即事

薄薄輕輕寒露雨
微微颯颯蚤秋風
小舟辦了松江去
占取三高作釣翁

采蓮曲

畫艇將歸笑語頻
鴛鴦對對起還沈
妾心先自懷郎苦
怕嚼蓮心苦轉深

靈隱

回首得兩年曾入靈隱去一路看不足衣霑松上露白
雲來相迎澗泉飛瀑素此景天下無遠勝廬山路

春暮寄友人

日暖梨花雪風吹楊柳綿春踰三月半夢憶十年前詩
偕鶯聲和書無鴈字傳東君還似舊吾鬢歎皤狀

即事

吹落楊花春事了小池新綠雨添痕浴蠶時節寒猶在

邨落人家半掩門

初夏

薔薇花已謝芍藥擬下坡
午陰轉嘉樹景序猶清和
日得詩篇詠門無俗客過
筍胎今歲少荷葉小池多
春去餘旬日夏雲已差栽
吾年嗟老矣身事笑蹉跎
但欲卧白石幽蟲捫青蘿
已與心料理不必問如何

次下竺僧韻

朝市軟紅塵山林氣味深
放懷隨野鶴過耳任春禽
石

澗鳴泉玉松釵墜日陰隱居無箇事存養讀書心

江上

小雨纔收日漸斜酒旗挿處兩三家江頭裝點秋來景
半是蘆花半蓼花

秋日

芙蓉未折桂香浮落日西風鴈過樓一雨空堦深夜滴
十分秋是十分愁

偶成

吹來一葉報秋知
玉露金風正及時
戴了涼巾披野服
桂花香裏看唐詩

送人至松江

西風蕭瑟入船窗
送客離愁酒滿缸
要記此時分袂處
暮煙細雨過松江

雨後

雨後新晴日轉西
桑間猶有拙鳩啼
十分愁意無人管
紅蓼黃蘆水滿溪

紀愁

可笑無詩紀四愁
強將歡伯解吾憂
夜長明月紗窗冷
分得寒蛩一半秋

和樂天初夏韻

雨脚來山岫
溪痕漲岸沙
插旗多酒戶
挂網盡漁家
地出綳兒筍
園收菜子花
春歸鶯轉嬾
風急燕飛斜
杯瀉青荷葉
甌煎白玉茶
孤邨流水晚
數點有歸鴉

秋夜

月華如水淨無塵千里相思總一心
絡緯籬邊吟不徹
做成秋意十分深

南蹕踰上人之平江


青浦相逢恰二年今宵再會亦前緣
詩囊和月橫挑去
穩泛楓橋夜半船

夏日遣懷

老大今無用吟詩了白頭百年如電影
萬事付沙鷗
性澹偏宜靜居貧動是愁
人情難似舊門外水東流

寓歸

水激長江浪風傳遠寺鐘
官情秋意薄歸興客愁濃
卷箔迎新鴈喧籬厭舊蜚
何時旋故里載酒挿芙蓉



宋百家詩存卷十八